

۱۱ جمادی الاولی سنہ ۱۳۳۳

جمعہ اترتسی

۱۴ مارٹ سنہ ۱۳۳۰

DJÉRID I SOUFIE

Fonde en 1090

Organe Turc Fanislamlqne

Directeur Proprietaire

HASAN KIAZIM

No. 108, le 9 (22 Février 1915

Adresse. Avenue de la S. Porte

Rue Eb ussonoud

جريدة الصوفية

شمديك اون بش كونده برنشر اولتور

صاحب امتياز ومدير مسئول حسن كاظم
تاريخ تاسيسي ۱۳۲۷ سنه هجري

ملت اسلاميه — امت عثمانيه ايجون مفيد اولان آثاره
صحيفه لر من آيچقدر درج ايدليان اوراق اعاده ايدلن

استانبولده باب عالي جوارنده ابوالسعود جاده سنده
نجم استقبال مطبعه سنده اداره خانه من اصحاب
مراجعه هر ساعت آيچقدر

سنه لك اعتباريله ممالك شاهانه ايجون پشين
اوله رق ۴۰ التي المني ۲۵ غروش و ممالك
اجنيه ايجون ۱۲ فرانقدر .

تلفون نومروسي : ۱۰۹۷

نومرو ۱۰۶

تصوفي ، ديني ، اخلاقي ادبي ، سياسي جريده اسلاميه در

نسخه سي ۴ پاره در

حکمت اخلاق

فضائل و زرائل و بونلرک اناری

انسان بر کمال مفروضدر بو کالک نفس انسانیده موجودیتی انسانیتی اکمال ایدر انسان نقصان ایله هدف تعرض اولمشدر بوتقصانیدن تزیه نفس ایتکه صرف مساعی ایتلی درکه فضائل ایله ترین ذات ایتک و زرائلدن بری قالمق مقصد مهمی میسر اولسون .

فضائل و زرائل نهدن عبارتدر: فضائل نفسک سجه سیدر سخا و عفت و حیا کی. سخا بر سجه درکه اقتضا ایتدیکی زمان بذل ایله وجوده کلیر بونکده برحد معروفي واردرکه ازار اولور ایسه سفاهت عدا و لنور . عفت بر فضیلت انسانیده در انسانی مشتهیات نفسانیده در بری قیلار انسان مرغوب اولان شئی اوزرینه طبیعتی اثیار ایدر فضائل نفسده مستقر اولور ایسه جمیع اعمال و مقصدی هیئت اجتماعیه اراسانده خیره منصرف اولور ائی زرائلدن منع ایدر بو صورتله نفسک تهذیبی انسانیده فضائل صحیحه نك رسوخ نامی درکه استکمال ذاتده اندن عبارتدر .

مجموع فضائل جمیع اصالده عادلندر. انسان حق تجاوز ایتاملی در افراد انسانیده در هر شخصک تجلیات ربانیده در بر مظهرتی واردر بقای نوعی ایچون قوای مادیه سنی استعمال ایله فیض اتمی تعیین ایدر انسانی حیوانات سائرمدن تمیز ایدن ناطقیتی اولدینی کی انسانی تشکیل ایدن اعضای بدنن دخی هر بریسی نعمای الهیه نك برر برهان شهودیسیدر. الی ایله یر، کوزیله کوروب تمیز اشکال ایدر. همان دنیله بیلیرکه فضائل عالم انسانیده عالم کیرده کی جذبیه عامه کی در. فصل جذبیه عامه جاذبیتده توازن ایله کواکب و سیاراتک انتظامی محافظه ایدرک هر کوکی مرکزنده تثبیت ایده بور ایسه فضائل مقتضایده اجتماع انسانیده وجود شخصینک اجل محدودینه قدر بقای نوعیسی اثبات ایله قائم و دائم اولسی در .

انلرک حارس و حافظی و حسن معاشره نلرینک مؤسسی بینلرنده کی حسن معاشرتی تأمین ایدن فضائل اخلاقدر هیئت اجتماعیه لری اراسانده لوازم مدنیتی تأسیس ایدرلر. بو فضائل هانکی ملته دها زیاده استقرار بولمش و هر فردی فضیلت صحیحه ایله مألوف بولمش ایسه او قوم هر وجهله ممتاز و مکرم اولور بنیان متین اتحاد بینلرنده کی رابطه یی ادامه ایدر فضائل مکتسبه لریلده اقوام سائرده استعلا ایلر منافع عمومیه لری امرنده اهنک اتحادی ازاله و تغیر ایده جک برشی کورنمز بویه فضائل ایله تمایز ایدن قوم مبدأ سیرده مفارقت ایدوده نقطه محیطه سنده تلاقی ایدن متدبرین کی در استجلاب منافعه در مرکز

و الحاصل صاحب خلق عظیم افندمن حضر تلی فضائل اخلاقک منبی و روحای انیانک اشقی و تبلیغ احکام و امر بالمعروفده عمومک افخم و اقدمی و علم باللهده بتون انیا و رسلك اعلم و احکمی اولمق طولانیسیله بالجمله کائناتک مرجع یکانه سی اولدینی کی خلقتاده عقلنک نورنک روضک اول ما خلق الله اولدینی بویه جه بالتدقیق و التحقیق ارباب حقیقت عننده شک و شبهه میدان قالمیه حق صورته در قضیه ریاضیه حکمیله تظاهر ایتکده در .

بونی تقلید سزجه و بلا مزاحمه ا کلایه بیلیمک ایچون اخلاق پیغمبری ایله تخلق ایتک شرطدر. بو تخلق بالاخلاق قضیه سی ایسه یالکنز نظری اوله من نظریاتک فائده سی یوقدر بلکه فساد صایبله . میه حق قدر جو قدر نظریاتی عملیاتله برلشدریمک اقتضا ایدر چونکه نظریاتدن مقصد عملیاتدر عمل اولنرزه نظرک نه فائده سی وار مثلا هر کوریلان شی انسانک مالی اولسه بدی دنیاده هیچ بر دینچی قالمق لازم کلوردی بن بیوک و منتظم خانه لره عالی و محتشم کاشانه لره بایلیورم فقط انلردن نه فائده ایشاملری ینه کندی قلبه احزانیه چکیلوب یاتیورم نظریات بلکه جهل صوری یی ازاله ایده بیلور لکن انسانی اخلاق حیوانیده در قورنارمن فصل که حضرات صوفیه عننده بیله اک چنین مسئله لردن بری و بلکه در برنجیسی و صوکنجیسی اولان وحدت وجود مسئله سندن فرنک حکما و مستشرقلری بیله بحث ایدیلورلر چونکه انلر عبارات تصوفیه نك ظاهر الفاظندن بر معنا آیلورلر اونی کندی فن قاصر لرینه تطبیقه جالشیورلر اونه طرفده عملیاتدن دور فیوضات باطنیه دن مهجور بریسی ارباب طریقک توجه و رابطه سندن بحث یوروتیور بر ازلت و قواعد قوتیه ظواهر عبارتدن کندی فکر نه کوره بر معنا - پیقاریور نهایت تجلیات الهیه شئونات سبحانیه یی اسپریم شکله صوقور هبات... اسپریمک تأثیریه جذبات الهیه نك تأثیری بیننده کی فرق کفر ایله ایمان بیننده کی فرق قدر نسبت قبول ایتمز درجه ده بیوکدر. نور و نار ملک و شیطان مایمون ایله انسان و ماء صافی ایله بول نجس و لحم خنزیر قیورجق ائی ازهار سمومه ایله نباتات شافیه آلتون ایله باقر کوش ایله قالای جام ایله پر لافله بالی ایله ییلان و دها بونک کی بر برینه طبان طبانیه ضد اولان اشیانک بعضی صفتلرجه بر برینه مشارک اولدقلری کور یابور فقط بونلردن بر طائفنک محض خبر و دیگر لرینک عین شر اولدینی اربابی عننده معلومدر . بونلر عموماً عملیاتله ا کلاشیسیله حق شیلدر. بو یوللری آکلامق و مکارم اخلاق و احسن آداب ایله مزین اولمق انجق اثر پیغمبری یه تمامی اتباعده در . حضرت پیغمبر افندمن : بعثت لائیم مکارم الاخلاق و ادبی ربی فاحسن تأدیی بیوریور فاعتبروا . . .

مصطفی فوزی

برملت مزایای عالیله ایلله اتصاف ایدر ایسه رفعت مکانه مظهریت ایلله برابر بوتون تشبثاتنده خط کاملتی استیفا ایدر هیئت اجتماعیه سنی تشکیل ایدن هر فردی استعدادینک مساعد اولدینی درجه ده تلقی معالیله میل ایلله اثار نافع و وجوده کثیر علت غایه اقداماتنک ثمرات لطیفه سیله ابنای نوعی مستفید قیلار بر فرد بیوک بر آلتک چو بیسی کبی در بوالک هیئت مرکب سندن بریسی ساقط اولسه اکا تبعاً دیگر لریده سقوط ایدر الت معطل قالیر .

انسان اشبو صفات فاضله نك حقایقه عطف نظر ایتسه نفسی میل معالیدن کیرو اله من عقل و عرفان قیود او هامدن آزاده اولان حریت فکریه عفت و سخا و قناعت و قار و تواضع عظم همت بحجت و سماحت و مروت و حجت حب عدالت امانت و حسدن انسانک سلامتی ایلله برابر عفو و رفق شفقت کبی مزایای عالیله هانکی ملته موجود اولور ایسه انک افرادی ارا سنده اتحاد و اتفاق تامدن بشقه برشی کورنمز ایکی عاقل صاحب فضیلت ارا سنده شقاق و نفاق اولور می بویه فضائل بر کزیده ایلله ممتاز اولان ملت هانکی ارضده بولنسه اوراسی احیا و انبات ایدر وحدت سیاسیله ایلله یکوجود اولوب بشریتک قابلیت اصلیه سنک تأمین ابتدیی ترقیات و تکاملات صحیحیه نائل اولور فضیلت حیات امد در اجسامک علل و امراضدن محفوظ اولسی روحک انبساطه مقارنتی ایلله دوام ایدر اسلامیت بو فضائل و مزایای عالیله ی تلقین ایدن احکام قدسیه یی جامعدر بی محبتا اقدمز « انما بعثت الاثم مکارم الاخلاق » بیور مشدر بیکرله احادیث شریفه صحیحیه نك احتوا ابتدیی حقایق مناهج رشد و سدای کوستر مکده در .

رزائل کلنجه کیفیات خینه در نفوس بشریه یه عارض اولور قلت حیا کلامده حشمت و ادبک فقدانی و اغراضه تبیت سفه و تهور و حین و حسد و غدر و خیانت و نفاق و عجب کبی رزائل لر انسانیتی نقیصه دار ایدر الفای عداوت ایلله ابنای نوعی ارا سنده فتنه و فسادی داعی اولور .

رزائل اخلاق بر ملته تمرکز ایدر ایسه بو انتشاری ایلله هیئت اجتماعیه نك هر عضو ده متأثر اوله رق عارض اوله حق ضعف و ناتوانی بر قوه اجنبیه خارجیه نك تسلطنه هدف اولور بو اولمز ایسه بیله اعمال حیاتیه نك تصرفاتنده بر اضطراب و ضجرت حس اولور . بینلرنده اختلاف تحدیثیه رابطه ده قالمز اقویاس ضعیفیه تغلبه قیام ایدر استماع نصیحت ایلله طریق هدایت ایهالی کوچ اولور انلره حکمت سیاست تلقین اوله من یهوده تفاخر انلری سر مست ایدر مصالح عادیله بیله مجاری حقیقه توسل ایده من و عطف و نصیحت کار ایتمز قواعد ربطدن خروج ایلله شقاق جاری اولور هانکی مهذب و مربی اولور ایسه اولسون فیض تأثیرینی کوستره من .

انسان شو حقایقه عطف نظر امان ایدر ایسه البته اکتساب فضائله بذل مجهود ایدر رزائلدن اجتناب ایلر جمعیت بشریه یی

تعرضدن وقایه ایدن اتحاد در فساد دکلدرنه ایچون هر فرد صفات رزایله دن توی ایلله فضائل ایلله تزیین ذاته صرف اقدام ایتسون هر مولود بر فطرت اوزرینه تولد ایدر هر شکل ولونی قبوله مستعد در علی الخصوص اباء و اجدادی صفات فاضله یی جامع بولنش ایسه فطرت زکیه سنی سوء استعمال ایلله الوده قلمیه رق قوای بدنیه سنی اعمال خیریه یه صرف ایلله البته فضائل ایدرک تحلیله یه موفق اولور بر انسان واجبات دینی ایفا ایدر و عقاید اسلامیه نك موجبات سعادت ایلله اعتقاد و عمل ایلر ایسه نفسک تحکیمات احتراض آورانه سندن قور تیلوب فیض و رشادی بولور .

آیات قرآنیله مودوع اولان غمر فضائل و کرائم شیمه عطف نظر اولنسه انسان بشقه بر قانونه تمسک ایتمز علمای اسلامیه البته بو جهتی تمیزه مقتدر اولد قلردن وظائف مفروضه نك اداسی توجه ایدر « ولکن منکم امة » آیت جلیله سنک احتوا ایتدیکی حقایق وظیفه نك اهمیت عظیمه سنی تعیین ایدر صاحب شریعت اقدمز حضرتلرینک و خلفای راشدین حضرتانک احکام شریعت غرایه توسلاً ساحه وجوده کتیر دکلمری موفقیات صحایف توار یخده مفصلاً مذکور اولمسیله بو جهتلرک تنویر و تلقینی ینه علمای اسلامیه نك وظائف اصلیه مهمه سندن در .

علمای راسخین حضراتی بیلور لرکه ازمان اخیرده مسلمانلره اصابت ایدن احوال الم اشتغال شه سز بر امتحان الهی در بو وقایعک موجباتی پیش نظره الهرق احکام الهیه نك تعیین ایتدیکی روابط اخوت و الفتی بیان ایلله کلمه واحده یی جمعه و توجهات عمومی اسلامیه یی توحیده صرف مساعی ایلله شهرام حقایقه ایصال ایتک و حکومت سنیه منک مشاهده سیله مباهی اولد یغمز مساعی عالیله حکمانه سنک فصل بر متین سیاست تعمیقی ایلله نجات و سعادت مزای تأمین ایتکده اولد یغنی کوستر مک و تفرقه دن مجانبته بو تدابیر مهمیه قارشی امین و مطمئن بولنق ایجاب ایدر . « و کان حقاً علینا نصر المؤمنین »

خالص

بدایع صوفیه

منظومه

هیجه صایمشک دنی دنیایی دستان چکشک
رتبه جاھندن خلاصه هر شیدن چکشک
کوهسار غربتی کندینه ماوا ایشک

بویونه طوق ایشک عشقنک زنجیری
سویله ارسلانم مدد قیل مولویلر دنیسک

دیده کریان سینه عربان بر عجایب خالده سک

حلی مشکل بر معما بشقه درلو قالد سک

ماحصل هیچ آکلا شلماز او یله بر آمالده سک